

34. Samþykkt fyrir Byggingarsamvinnufélag starfsmanna SÍs, Reykjavík. Varnarþing Reykjavík. Staðfest 29. júní 1948. 106
35. Samþykkt fyrir Byggingarsamvinnufélag verkamanna Akureyri. Varnarþing Akureyri. Staðfest 10. júlí 1948. 30. ágúst

Samþykktir þessar eru í samræmi við fyrirmynd að samþykkt, sem birt er með auglýsingu nr. 92 12. júní 1946, Stj.tíð. B., bls. 174—179.

Félagsmálaráðuneytið, 30. ágúst 1948.

F. h. r.

Jónas Guðmundsson.

Gisli Jónasson.

Staðfesting forsetans á skipulagsskrá fyrir Mæðrasjóð Norðdælinga, útgefin á venjulegan hátt að mandatum af dómsmálaráðherra 31. ágúst 1948.

Skipulagsskráin er þannig:

SKIPULAGSSKRÁ

fyrir Mæðrasjóð Norðdælinga.

107

31. ágúst

1. gr.

Sjóðurinn heitir Mæðrasjóður Norðdælinga.

2. gr.

Sjóðurinn er stofnaður til minningar um hjónin Guðrúnu Þórðardóttur og Ólaf Ólafsson bónda á Dysey, Vigdís Pálsdóttur og Gísli Einarsson prest í Hvammi, Þorhjörgu Sigurðardóttur og Þórð Jónsson hreppstjóra og bónda á Brekku, Herborgu Þórðardóttur og Hákon Jónsson bóndi á Hafþórsstöðum, Sigurborgu Sigurðardóttur og Jóhannes Jónsson bónda í Klettstíu og Guðrúnu Daðadóttur og Guðjón Guðmundsson bónda á Gestsstöðum. Sjóðurinn er stofnaður af börnum og fósturbörnum um fyrrnefndra hjóna með 5 500 — fimm þúsund og fimm hundruð — króna stofnsjóði.

3. gr.

Markmið sjóðsins er að styrkja bágstaddar mæður, sem af einhverjum ástæðum þarfnast hjálpar og samúðar. Þegar eigi er þörf fyrir styrk úr sjóðnum til styrktar bágstöddum mæðrum, má verja fé úr sjóðnum til styrktar bágstaddra barna. Einkum þó til náms eða menningar barna, sem einhverra hluta vegna, annað hvort sálrænna eða líkamlegra, þurfa að njóta sérstaks náms til þess að geta unnið fyrir sér.

4. gr.

Höfuðstól sjóðsins má aldrei skerða. $\frac{1}{4}$ hluti vaxtanna leggist árlega við höfuðstólinn, svo og dánar- og minningargjafir og hvers konar gjafir, er sjóðnum kann að áskotnast. Sé ekki þörf fyrir úthlutun úr sjóðnum þá leggist allir vextir við höfuðstólinn, en tillit má taka til þess, þegar næst er úthlutað úr sjóðnum og veita þá þeim mun meiri styrk, ef þörf krefur.

5. gr.

Sjóðurinn má gefa út minningarspjöld.

107

31. ágúst

6. gr.

Stjórnendur sjóðsins eru: Oddviti Norðurárdalshrepps, kona kosin af atkvæðisbærum konum hreppsins og þriðji maður kosinn af gefendum sjóðsins og atkvæðisbærum afkomendum þeirra, meðan þeir eru búsettir í hreppnum, og sé hann formaður stjórnarinnar.

7. gr.

Sjóðnum skulu fylgja tvær bækur. Bók, þar sem skráðir eru fæðingardagar og ár svo og dánardægur og ár ásamt helztu æviatriðum þeirra, sem sjóðurinn er stofnaður til minningar um. Svo og þeirra, sem sjóðnum eru gefnar minningargjafir um, eftir því sem sjóðstjórnin sér það fært, eða ef gefendur óska þess, enda leggi þeir þá til nauðsynlegar upplýsingar.

Þá skal fylgja sjóðnum gerðabók, þar sem skráð er, hverjir fara með stjórn á hverjum tíma, umsóknir um styrk úr sjóðnum, styrkveitingar, reikningar sjóðsins og fleira, er þurfa þykir.

8. gr.

Stjórn sjóðsins ber ábyrgð á fjárreiðum sjóðsins, ber henni að ávaxta hann á öruggum stað eða í vel tryggðum verðbréfum.

9. gr.

Reikningsár sjóðsins er almanaksárið og skulu reikningar sjóðsins endurskoðaðir af tveim endurskoðendum kosnum af sömu aðilum, sem kjósa stjórn sjóðsins, þannig að konur hreppsins kjósa annan, en stofnendur og afkomendur þeirra hinn.

10. gr.

Leita skal staðfestingar forseta Íslands á skipulagsskrá þessari.

11. gr.

Skipulagsskrána skal birta í B-deild Stjórnartíðinda.

Sverrir Gíslason. Þórður Ólafsson.

108

2. sept.

REGLUGERÐ

fyrir „Gvendarlaug hins góða“ að Klúku í Bjarnarfirði.

1. gr.

Eigendur sundlaugarinnar eru Kaldrananeshreppur og sundfélagið „Grettir“ í Bjarnarfirði.

2. gr.

Sundlaugin skal rekin sem fjárhagslega sjálfstætt fyrirtæki undir nafninu „Gvendarlaug hins góða“.

3. gr.

Reksturinn er í höndum þriggja manna sundlaugarstjórnar.

4. gr.

Sundlaugarstjórn er þannig skipuð: Skólanefnd Drangnesskólahverfis og skólanefnd Kaldrananesskólahverfis tilnefna sinn manninn hvor, þriðji skal tilnefndur af sundfélaginu Gretti, og er hann formaður stjórnarinnar. Starfstími stjórnarinnar er fjögur ár og miðast við kosningu hreppsnefndar á hverjum tíma.